

Cantidad di gas y azeta bao di nos isla rond di Lago lo ser midi

ORANJESTAD(AAN)—Segun diputado Mr. John v.d. Kuyp, Grondmij lo cuminza otro luna cu bora-mento na diferente parti di nos isla, pa determina e cantidad di gas y tambe e cantidad di zeta cu tin den awa bao di nos isla, rondy den Lago y na varios parti den San Nicolas.

E midimento no ta solamente pa determina e cantidad pero tambe pa determina e grado di peligro cu esaki ta representa.

Tambe lo midi con hal-

to e awa bao di tera ta y cuanto zeta tin den e awa aki.

E datonan lo ser manda pa laboratorio na Hulanda pa analizacion y na juli o otro aña lo por spera report di e investigacion aki.

E trabaonan cu Grondmij lo haci pa territorio insular di Aruba den esaki lo costa un millon y mei florin, pero cu lo ser paga door di Hulanda.

Diputado John v.d. Kuyp a laga sa tambe cu no por tuma decision encuan-

desmantelacion na e momentonan aki pasobra negociacionnan nobo ta bay tuma lugar. Lo mester yega na un "settlement" un acuerdo mutuo cu Exxon prome cu cuminza papia ariba e desmantelacion.

Dos siman pasa a reuni cu Exxon y a palabra con y unda lo reuni y traha segun cierto plan. Exxon tin suplan caba y tambe un grupo pa haci e mes investigacionnan manera Grondmij y despues lo compara e dos estudionan.

Exodo di antillanonan no a tuma lugar

ORANJESTAD(AAN)—Segun informacionnan ricibi di Hulanda, despues di ceramento di Lago, e cantidad di Antillanonan cu a bay establece nan mes na Hulanda a aumenta, pero e exodo cu a ser pronostica no a tuma lugar.

Segun vocero di Antillenhuis R.A. Capriles Martina, den prome seis lunanan di e aña aki mas Antillano enverdad a bay Hulanda compara cu e mes periodo aña pasa pero no por papia di un salida masal di Antillas.

Di Januari te cu juni a yega Hulanda 2033 Antillano y 985 a regresa Antillas.

Aña pasaden e mes periodo ta 114 persona a keda Hulanda compara cu e 1048 di e aña aki.

Esakinan ta registra den cifranan di Centrale Bureau voor statistiek.

Segun Martina e cantidad di hende cu ta keda Hulanda ta debi na ceramento di Lago na Aruba apesar cu for di e cifranan no por saca afo cuanto ta Arubiano. Segun institucionnan social na Aruba, ta Arubianonan ta esnan cu a sali di Antillas mas tanto.

Aña pasa cu Lago a anuncia ciere di su refineria, politiconan a pronostica cu por spera un exodo grandi di Arubianonan cu lo viaja pa Hulanda, algo cu a sali tambe for di seno sindical. Cifranan a ser menciona di algun mil. Segun Martina un exodo asina lo por keda afo tambe si refineria Shell sigui opera na Curacao aunqeu bau di otro nomber y maneho.

Holiday Inn no ta expande e ana aki mas

ORANJESTAD(AAN)—Te otro aña probablemente Holiday Inn Hotel lo ser expande. Intencion tabata pa haci esaki e aña aki y tur tramite necesario pa cuminza construccion tabata cla, pero e hotel a pidi di gobierno pa mantene of extende tur condicionnan gubernamental pa fin di e aña aki.

E operadornan actual di

ehotel, doñonan cu ta grupo King, a yega na acuerdo cu Holiday Inn na Miami encuan-to operacion di e cambernan adicional, pero e compania Madre na Memphis a rechaza esaki.

Esaki a pone cu no por cuminza expansion e aña aki mas pasobra nos ta den drenta e temporada di turismo y durante e temporada ey trabaonan di con-

struccion por bira un molester pa e turistanan cu ta bishita nos isla.

Frans Wernet ta juramenta awe como Gezaghhebbber interino

ORANJESTAD(AAN)—Segun informacionnan cu DIARIO a ricibi, Sr. Frans Wernet lo juramenta awe como Gezaghhebbber interino di Aruba. Manera ta conoci, Sr. Pedro Bislip a baha cu vacasion y despues di esaki tno ta regresa mas como gezaghhebbber.

Ayera Sr. Cai Marquez cu ta gezaghhebbber interino a ocupa e puesto aki. Awe Sr. Frans Wernet lo huramenta dilanti ministro Mr. Hendrik Croes na Ministerraad na Aruba, ya cu Mr. Croes ta vice minister president y autoriza pa e juramentacion.

Sr. Frans Wernet a ocupa e puesto aki den pasado pa varios aña y lo keda ocupa e puesto di Gezaghhebbber interino pa resto di e periodo di Sr. Bislip.

NOTIFICACION DE CURSOS

Pintura para jovenes y adultos (Olieverfschilderij).
Formacion de actores(Teatro para adultos)
Titeres para niños(Poppenkast)
Español basico e intermedio
Redaccion en Español
Geografia e Historia de Venezuela

CURSOS GRATUITOS

Inscripciones Abiertas en:

INSTITUTO VENEZOLANO PARA
LA CULTURA Y LA COOPERACION
Bachstraat 9.Telf.24610



ARUBA TRADING COMPANY
is pleased to announce that
MISS MARTHA IBARGOLLIN



International Beauty Consultant for

guerlain
PARIS

will be in our store from

Sept.11 - 21, 1985

to introduce to you guerlain's beauty products

Please make your appointment for
your free consultation at

Aruba Trading Company

Nassaustraata, Tel: 22600

